

ხელშეკრულება
სახელმწიფო შესყიდვების შესახებ 01-03-123

ქ. თბილისი

12 ივლისი 2019 წელი

შემსყიდველი: სსიპ – მასწავლებელთა პროფესიული განვითარების ეროვნული ცენტრი, წარმოდგენილი ცენტრის დირექტორის ბერიკა შუკაკიძის სახით;
მისამართი: ქ. თბილისი, გმირი კურსანტების ქ. №4;
საიდენტიფიკაციო კოდი: 202374251;
საბანკო რეკვიზიტები: სახელმწიფო ხაზინა, კოდი: TRESGE22, ა/ა: GE24 NB03 3010 0200 1650 22.

მიმწოდებელი: შპს „სანდრო 2013,“ წარმოდგენილი მისი დირექტორის ევგენი ჭუმბურიძის სახით;
მისამართი: ქ.თბილისი, ნასიძისქ. N 5;
საიდენტიფიკაციო კოდი: 405115842;
საბანკო რეკვიზიტები: „სს თიბისი“ ბანკი, ბანკის კოდი: TBCBGE22, ა/ა: GE 97 TB7625936020100004;

ერთი მხრივ, შემსყიდველი და მეორე მხრივ, მიმწოდებელი ჩატარებული ელექტრონული ტენდერის (სატენდერო განცხადების ნომერი NAT190012590) გათვალისწინებით, დებენ წინამდებარე ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტება

- 1.1. ხელშეკრულება სახელმწიფო შესყიდვის შესახებ (შემდგომში – ხელშეკრულება) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;
- 1.2. ვალდებულების არაჯეროვანი შესრულება – ვალდებულების ხელშეკრულების პირობებთან შეუსაბამოდ, არასრულად, უხარისხოდ შესრულება.
- 1.3. ხელშეკრულებით ნაკისრი ვალდებულების შესრულების ვადების გადაცდენა – მხარის მიერ ნაკისრი ვალდებულების ხელშეკრულებით განსაზღვრულ ვადაში შეუსრულებლობა.

მუხლი 2. ხელშეკრულების საგანი

ხელშეკრულების საგანია სსიპ - მასწავლებელთა პროფესიული განვითარების ეროვნული ცენტრისთვის 2019 წლის 31 დეკემბრის ჩათვლით დაგეგმილი სამუშაო შეხვედრების, პრეზენტაციების და ტრენინგების მონაწილეთა კვების და ყავა-ჩაის შესვენების მომსახურება (CPV 55521200 - საკვების მიწოდების მომსახურება) წინამდებარე ხელშეკრულების დანართი N 1-ის (პრეისკურანტი) შესაბამისად.

მუხლი 3. ხელშეკრულების ღირებულება

- 3.1 შესასყიდი ობიექტის ფასი განისაზღვრება ეროვნულ ვალუტაში;
- 3.2 შესასყიდი მომსახურების ღირებულება (შემდგომში „ხელშეკრულების ღირებულება“) შეადგენს 33898.00 (ოცდაცამეტიათას რვაასოთხმოცდათვრამეტი) ლარს;
- 3.3 პრეისკურანტის ფასია 48.00 (ორმოცდარვა) ლარს;
- 3.4 დაფინანსების წყარო: სსიპ – მასწავლებელთა პროფესიული განვითარების ეროვნული ცენტრის საბიუჯეტო ასიგნებები.

მუხლი 4. შესასყიდი ობიექტის ხარისხი

- 4.1 მიმწოდებელი პასუხისმგებლობას კისრულობს, რომ გაწეული მომსახურება შეესაბამება ხელშეკრულებით განსაზღვრულ პირობებს;
- 4.2 მიმწოდებელი აცხადებს, რომ გაწეული მომსახურება იქნება უნაკლო;
- 4.3 გასაწევი მომსახურების აღწერილობა:
- 4.3.1 კვებითი მომსახურება (ფურშეტი) გაწეული უნდა იყოს დანართ N 1-ში (პრეისკურანტი) მითითებული მენიუს მიხედვით;
- 4.3.2 მისაწოდებელი კერძების მომზადება უნდა ხორციელდებოდეს ეკოლოგიურად სუფთა გარემოში და სანიტარული ნორმების მკაცრი დაცვით. კერძებისთვის საჭირო იგრედიენტები უნდა იყოს ახალი, ეკოლოგიურად სუფთა, მაღალხარისხიანი. მზა კერძების მიწოდება უნდა განხორციელდეს შესაბამისი ტემპერატურის დაცვით და თერმული კონტეინერებით (დაუშვებელია პოლიეთილენის პარკებით და სხვა არასათანადო საშუალებების გამოყენებით პროდუქციის მიწოდება). ასევე შესაბამისი პროდუქცია მოწოდებული უნდა იყოს ცალ-ცალკე შეფუთული/დაფასოებული პროდუქციისათვის განკუთვნილი გოფირებული ქაღალდის ფორმებით.
- 4.3.3 კერძებისა და სუფრის გაფორმება უნდა განხორციელდეს თანამედროვე და დახვეწილი დიზაინით.
- 4.3.4 პროდუქციის ტრანსპორტირების და კვებითი მომსახურების გაწევის დროს დაცული უნდა იყოს ჰიგიენური ნორმები;
- 4.3.5 მისაწოდებელი კერძები და კვების პროდუქტები, თავისი საგემოვნო თვისებებით უნდა შეესაბამებოდეს შესაბამის სტანდარტებს, უნდა იყოს საკვებად ვარგისი და ჯანმრთელობისათვის უვნებელი, რაზეც მიმწოდებელი პასუხს აგებს საქართველოში მოქმედი კანონმდებლობით გათვალისწინებული წესით;
- 4.3.6 შემსყიდველი ორგანიზაცია იტოვებს უფლებას ხელშეკრულების მოქმედების ნებისმიერ ეტაპზე გადაამოწმოს საკვები პროდუქტების მომზადების ადგილზე და ასევე ტრანსპორტირების დროს ჰიგიენის ნორმების დაცვა;
- 4.3.7 თითოეული საკვები პროდუქტის წონა უნდა იყოს არანაკლებ 50 გრამი. მაღალი ხარისხის ხსნადი ყავისა და ჩაის მიწოდება უნდა განხორციელდეს ერთჯერადი „პაკეტი/კონვერტი“.
- 4.3.8 მიმწოდებელი მოვალეა შემსყიდველ ორგანიზაციას კვებითი მომსახურება გაუწიოს ყოველ 25(ოცდახუთი) პერსონაზე 1(ერთი) მომსახურე პერსონის მეშვეობით, რომელსაც უნდა ეცვას შესაბამისი უნიფორმა;
- 4.3.9 პრეტენდენტს საკუთრების/ სარგებლობის ფორმით უნდა გააჩნდეს მომსახურების გაწევის აუცილებელი ინვენტარი:
- 1) თერმოსი, ჩაიდანის, მიკროტალღური ღუმელი (აუცილებლობის შემთხვევაში);
 - 2) სხვადასხვა დანიშნულების და რაოდენობის მრავალჯერადი და ერთჯერადი ჭურჭელი (თეფში, დანა-ჩანგალი, კოფი, ჭიქა, ფინჯანი, ფოდნოსი და სხვა);
 - 3) მაგიდები, მაგიდის გადასაფარებლები, ხელსახოცები (საჭიროების შემთხვევაში).

მუხლი 5. მომსახურების გაწევის ვადები და ადგილი

- 5.1 მომსახურების გაწევა ხორციელდება მოთხოვნიდან არაუგვიანეს 2 კალენდარული დღის ვადაში ეტაპობრივად, შემსყიდველის მოთხოვნის შესაბამისად (ელექტრონული ფოსტის მეშვეობით) ხელშეკრულების გაფორმებიდან 2019 წლის 31 დეკემბრის ჩათვლით შესაძლებელია მომსახურების გაწევა განხორციელდეს არასამუშაო დღეს;
- 5.2 მომსახურების გაწევა ძირითადად განხორციელდება შემსყიდველის შენობაში, რომელიც მდებარეობს ქ. თბილისი, გმირი კურსანტების ქ. N 4-ში. გამონაკლის შემთხვევაში შესაძლებელია მომსახურების გაწევა განხორციელდეს საქართველოს სხვა ტერიტორიაზე.

მუხლი 6. შესასყიდი ობიექტის მიღება-ჩაბარების წესი

- 6.1 შესყიდვის ობიექტის მიღება-ჩაბარება განხორციელდება ეტაპობრივად, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით;
- 6.2 შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი;
- 6.3 მიღება-ჩაბარების აქტზე ხელმოწერის უფლებამოსილება ენიჭება სსიპ - მასწავლებელთა პროფესიული განვითარების ეროვნული ცენტრის პროგრამების შესაბამის პირებს. მიღება-ჩაბარების აქტის გაფორმების საფუძველია ინსპექტირების განმახორციელებელი პირის დასკვნა.

მუხლი 7. ანგარიშსწორება

- 7.1 ანგარიშსწორება განხორციელდება მიღება-ჩაბარების (შესრულების) აქტის გაფორმებიდან არა უგვიანეს 10 (ათი) სამუშაო დღისა;
- 7.2 ანაზღაურება მიმწოდებელთან განხორციელდება უნაღდო ანგარიშსწორების ფორმით, ეროვნულ ვალუტაში;
- 7.3 საავანსო ანგარიშსწორება არ გამოიყენება.

მუხლი 8. მხარეთა უფლება-მოვალეობანი

8.1 შემსყიდველი ვალდებულია:

- 8.1.1 ხელშეკრულებით გათვალისწინებული პირობების შესაბამისად, აუნაზღაუროს „მიმწოდებელს“ გაწეული მომსახურების ღირებულება;
- 8.1.2 აუნაზღაუროს მიმწოდებელს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით.

8.2 შემსყიდველი უფლება აქვს:

- 8.2.1 შეამოწმოს გაწეული მომსახურების შესაბამისობა ხელშეკრულებით გათვალისწინებულ პირობებთან. განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;
- 8.2.2 მოითხოვოს იმ ზიანის ანაზღაურება, რაც გამოწვეულია მიმწოდებლის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;
- 8.2.3 მოსთხოვოს მიმწოდებელს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

8.3 მიმწოდებელი ვალდებულია:

- 8.3.1 დაიცვას ხელშეკრულებით გათვალისწინებული ყველა პირობა;
- 8.3.2 კვალიფიციურად გაუწიოს შემსყიდველს ამ ხელშეკრულების მე-2 მუხლში აღნიშნული მომსახურება;
- 8.3.3 ხელშეკრულებით გათვალისწინებული მომსახურების გაწევასას აცნობოს შემსყიდველს ყველა განსაკუთრებული გარემოების შესახებ;
- 8.3.4 აუნაზღაუროს შემსყიდველს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით;
- 8.3.5 საკუთარი ხარჯებით გამოასწოროს გამოვლენილი ნაკლი;
- 8.3.6 წარუდგინოს შემსყიდველს გაწეულ მომსახურებასთან დაკავშირებული სრული დოკუმენტაცია.

8.4 მიმწოდებელს უფლება აქვს:

- 8.4.2 მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული პირობებით;
- 8.4.3 მოსთხოვოს შემსყიდველს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება.

მუხლი 9. ხელშეკრულების პირობების შეუსრულებლობა

- 9.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის მხარეს ეკისრება პირგასამტეხლო შეუსრულებელი ვალდებულების ღირებულების 0.05 % ოდენობით;
- 9.2 მიმწოდებლის მიერ ხელშეკრულების არაჯეროვანი შესრულების შემთხვევაში მხარეს ეკისრება პირგასამტეხლო ხელშეკრულების ღირებულების 10 (ათი) % ოდენობით;
- 9.3 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური მოცულობა გადააჭარბებს ხელშეკრულების ღირებულების 5 (ხუთი)%-ს, შემსყიდველს უფლება აქვს ცალმხრივად შეწყვიტოს ხელშეკრულება.
- 9.4 საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

მუხლი 10. ხელშეკრულების ინსპექტირების პირობები

- 10.1 შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე და განახორციელოს მომსახურების ხარისხის პერიოდული ინსპექტირება;
- 10.2 მიმწოდებელი ვალდებულია საკუთარი რესურსებით უზრუნველყოს შემსყიდველის მიერ ინსპექტირების ჩატარებისათვის ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს შემსყიდველი;
- 10.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა;
- 10.4 ხელშეკრულებით განსაზღვრული პირობების კონტროლს განახორციელებს სსიპ - მასწავლებელთა პროფესიული განვითარების ეროვნული ცენტრის პროგრამების შესაბამისი პირები, რომლებიც წერენ დასკვნას ხელშეკრულების პირობებთან შესყიდვის საგნის შესაბამისობის შესახებ.

მუხლი 11. ხელშეკრულების შეწყვეტა

- 11.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;
- 11.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება და მისი მიღების საფუძველი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე არაუმცირეს ერთი თვით ადრე;
- 11.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;
- 11.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:
- 11.4.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- 11.4.2 მიმწოდებლის გაკოტრების შემთხვევაში;
- 11.4.3 საქართველოს კანონმდებლობით გათვალისწინებულ სხვა შემთხვევებში.
- 11.5 ამ მუხლის 11.4 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

მუხლი 12. ხელშეკრულების პირობების გადასინჯვა

- 12.1 მხარეები უფლებამოსილნი არიან მოახდინონ ხელშეკრულების პირობების გადასინჯვა და ცვლილება შეიტანონ მოქმედ ხელშეკრულებაში;
- 12.2 ხელშეკრულებაში ცვლილების შეტანის ინიციატორმა მხარემ წერილობითი სახით უნდა აცნობოს მეორე მხარეს შესაბამისი დასაბუთებული ინფორმაცია;
- 12.3 დაუშვებელია ხელშეკრულებაში იმგვარი ცვლილების შეტანა, რომლითაც უარესდება ხელშეკრულების პირობები შემსყიდველი ორგანიზაციისათვის ან იზრდება ხელშეკრულების ღირებულება, გარდა საქართველოს სამოქალაქო კოდექსის 398-ე მუხლით, „სახელმწიფო შესყიდვების შესახებ“ საქართველოს კანონის და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით გათვალისწინებული შემთხვევებისა;
- 12.4 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც ჩაითვლება ხელშეკრულების განუყოფელ ნაწილად.

მუხლი 13. ფორსმაჟორი.

- 13.1 მხარეები არ აგებენ პასუხს ხელშეკრულებით გათვალისწინებული ვალდებულების მთლიანად ან ნაწილობრივ შეუსრულებლობისათვის, თუ ეს გამოწვეულია ფორსმაჟორული გარემოების დადგომის გამო და თუ ეს დაიწყო ან განვითარდა ხელშეკრულების დადების შემდეგ;
- 13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, ემბარგოს დაწესებით, დაფინანსების მკვეთრი შემცირებით და სხვა;
- 13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

მუხლი 14. ხელშეკრულების მოქმედების ვადა

ხელშეკრულების მოქმედების ვადა განისაზღვრება ხელშეკრულების ხელისმოწერის დღიდან და ძალაშია 2020 წლის 31 იანვრის ჩათვლით.

მუხლი 15. დავები და მათი გადაწყვეტის წესი

- 15.1 წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მხარეთა ერთობლივი მოლაპარაკების საფუძველზე;
- 15.2 თუ შემსყიდველი და მიმწოდებელი მოლაპარაკების დაწყებიდან 10 (ათი) დღის განმავლობაში ვერ შეძლებენ შეთანხმების საფუძველზე გადაწყვიტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

მუხლი 16. სხვა პირობები

- 16.1 ამ ხელშეკრულებით გაუთვალისწინებელი პირობები რეგულირდება საქართველოს მოქმედი კანონმდებლობით;

- 16.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;
- 16.3 მესამე პირთან (პირებთან) ურთიერთობაში მხარეები მოქმედებენ თავიანთი სახელით, ხარჯებითა და რისკით;
- 16.4 წინამდებარე ხელშეკრულების რომელიმე პუნქტის ბათილად ცნობა არ იწვევს მთელი ხელშეკრულების ან მისი სხვა პუნქტების ბათილობას;
- 16.5 წინამდებარე ხელშეკრულება არ შეიცავს არანაირ სიტყვიერ დამატებას;
- 16.6 დანართები წარმოადგენენ ამ ხელშეკრულების შემადგენელ, განუყოფელ ნაწილს და მოქმედებენ მხოლოდ მასთან ერთად;
- 16.7 მხარეებს შორის ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;
- 16.8 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილია მხარეთა მიერ;
- 16.9 ხელშეკრულება შედგენილია ელექტრონულად, მხარეების მიერ გამოყენებულია ელექტრონული ხელისმოწერა ან შტამპი;
- 16.10 გამარჯვებული პრეტენდენტის სატენდერო წინადადება და დანართები თან ერთვის წინამდებარე ხელშეკრულებას და წარმოადგენს მის შემადგენელ ნაწილს;
- 16.11 ყოველივე ზემოაღნიშნულის დასადასტურებლად, სათანადო უფლებამოსილებით აღჭურვილმა ქვემოთ აღნიშნულმა პირებმა ხელი მოაწერეს წინამდებარე ხელშეკრულებას.

მუხლი 17. მხარეთა ხელმოწერები

შემსყიდველი:

სსიპ – მასწავლებელთა პროფესიული

განვითარების ეროვნული ცენტრი



ბერიკა შუკაკიძე

დირექტორი

მიმწოდებელი:

შპს „სანდრო 2013“

ვვგენი ჭუმბურიძე

დირექტორი

დანართი N 1

| N | დასახელება | ერთეულის ფასი |
|----|----------------------------------|---------------|
| 1 | ღვეზელი ტარხუნის | 0.8 |
| 2 | ღვეზელი ქათმის | 0.8 |
| 3 | ღვეზელი ხორცის | 0.8 |
| 4 | ღვეზელი სოკოს | 0.8 |
| 5 | ფენოვანი ხაჭაპური | 0.8 |
| 6 | ფენოვანი ლობიანი | 0.8 |
| 7 | გამოყვანილი ორაგული ბაგეტზე | 1.5 |
| 8 | ორაგულის სალათი ბაგეტზე | 1.3 |
| 9 | ნიგვზიანი ბადრიჯანი მჭადზე | 1 |
| 10 | ისპანახი მჭადზე | 1 |
| 11 | ბლინი ტარხუნის | 0.8 |
| 12 | ბლინი სულგუნის | 0.8 |
| 13 | ბლინი ხორცის | 0.8 |
| 14 | ბლინი სოკოს | 0.8 |
| 15 | ქამა სოკო ჩხირზე სულგუნით | 0.8 |
| 16 | ქამა სოკო ჩხირზე ნიგვზით | 0.8 |
| 17 | სოკოს სალათი ტარტზე | 1.2 |
| 18 | კანაპე ბერძნული ჩხირზე | 1 |
| 19 | კანაპე ლორით | 1 |
| 20 | ოლივიე შუში | 1 |
| 21 | სალათი ბოსტნეულით | 0.6 |
| 22 | ოლივიე ბაგეტზე | 0.8 |
| 23 | ქათმის მწვადი ბოსტნეულით | 1.3 |
| 24 | ქათმის მწვადი | 1.3 |
| 25 | ქათმის რულეტი ბეკონით და სოკოთი | 1.2 |
| 26 | ქათმის სალათი შუში | 1 |
| 27 | ქათმის მწვადი გადახვეული ბეკონით | 1.2 |
| 28 | საქ. ხორცის ტიფტილები ბეშამელით | 1.2 |
| 29 | მინი სენდვიჩი სალიამით | 1 |
| 30 | მინი სენდვიჩი ლორით | 1 |
| 31 | მინი სენდვიჩი ქათმით | 1 |
| 32 | ჩიზქეიქი | 1 |
| 33 | ეკლერი | 1 |
| 34 | შუ | 1 |
| 35 | მინი მაფინი ხილის ან შოკოლადის | 0.8 |
| 36 | ალუბლის ნამცხვარი | 1 |
| 37 | მინი ტარტი შოკოლადის | 1 |
| 38 | მინი ტარტი ხილით | 1 |

| | | |
|----|-------------------------------------|-----------|
| 39 | ორცხობილა ნიგვზით | 1 |
| 40 | ჩაი, ყავა (რძით) | 1.5 |
| 41 | ნატურალური წვენი 1 ლ | 3 |
| 42 | ღვინო წითელი/თეთრი | 1.2 |
| 43 | შუბა ფენოვანში | 0.8 |
| 44 | შუბა ბაგეტზე თევზით | 0.8 |
| 45 | ქათმის პაშტეტის რულეტი | 1 |
| 46 | სალათი ცეზარი | 1 |
| 47 | ხილის ასორტი (არანაკლებ 5 სახეობის) | 0.7 |
| | სულ | 48 |

მხარეთა ხელმოწერები

შემსყიდველი:

სსიპ – მასწავლებელთა პროფესიული

განვითარების ეროვნული ცენტრი



ბერიკა შუკაკიძე
დირექტორი

მიმწოდებელი:

შპს „სანდრო 2013“

ევგენი ჭუმბურიძე

დირექტორი

ჩვენ ქვემოთ ხელისმომწერნი, ინტერესთა კონფლიქტის თავიდან აცილების მიზნით, გავცვანით „სახელმწიფო შესყიდვების შესახებ“ საქართველოს კანონის მე-8 მუხლს (ინტერესთა კონფლიქტის თავიდან აცილების პირობები და წესები) და ხელისმომწერით ვადასტურებთ, რომ მიმწოდებლის მიმართ (ინდივიდუალური მეწარმე ქეთევან ბრაგვაძე) არ ვიმყოფებით ინტერესთა კონფლიქტში.

სსიპ - მასწავლებელთა პროფესიული განვითარების ეროვნული ცენტრის

დირექტორი




/ზურიკა შუკავიძე/

ვიზირება:

სსიპ - მასწავლებელთა პროფესიული განვითარების ეროვნული ცენტრის

დირექტორის მოადგილე




/დავით ხვედელიძე/

სსიპ - მასწავლებელთა პროფესიული განვითარების ეროვნული ცენტრის

ეკონომიკური რესურსების სამსახურის უფროსი ფუნქციების დროებით

შემსრულებელი



/როსტომ თოლორდავა/

სსიპ - მასწავლებელთა პროფესიული განვითარების ეროვნული ცენტრის

ეკონომიკური რესურსების სამსახურის შესყიდვების

ჯგუფის უფროსი



/ნიკო გიგოლაშვილი/

შემსრულებელი

სსიპ - მასწავლებელთა პროფესიული განვითარების ეროვნული ცენტრის

ეკონომიკური რესურსების სამსახურის შესყიდვების

სპეციალისტი



/ირინე სადრაძე/